

# CURRENDA XIV.

A. D. 1865.

N. 2700.

**Indulgentiæ pro salutantibus se pia formula antiqua: „Laudetur Jesus Christus..“ aut recentior: „Laudetur Jesus et Maria.“ &c.**

De indulgentiis, quarum participes fiunt salutantes se invicem pronunciando SS. Jesu et Mariæ nomina, sequens prodiit, ad DD. Curatorum imprimis notitiam perutile, ut fideles ipsorum curæ commissos ad pium horum SS. nominum usum inflamment,

## Decretum Urbis et Orbis.

„Cum non sit aliud Nomen sub cœlo, in quō nos oportet salvōs fieri, nisi Nomen Jesu, in quō est vita, salūs et resurrectio nostra, per quē salvati et liberati sumus, ideo Sixtus V. fel. rec. Pont. Max. sub die 11. Julii 1587 in Bulla „*Reddituri*“ Indulgentiam concessit *quingenta dierum* omnibus et singulis Christi fidelibus, qui quocumque idiomate sic se salutaverint: „*Laudetur Jesus Christus*,“ vel responderint „*In stœcula*“ vel „*Amèn*“ aut „*Semper*,“ plenarium verō in mortis articulo iis, qui hanc laudabilem consuetudinem habuerint, modo ore, vel corde (si ore non potuerint) Jesu nomen invocaverint.“

„Nonnullis deinde in locis cum mos invaluisse, Jesu Nomini et illud Mariæ in se invicem salutando addere, Clemens PP. XIII. ad humillimas preces Generalis Ordinis Carmelitarum per Decretum die 30. Novembris 1762 benigne imperitus est pro Carmelitis eandem Indulgentiam „*quingenta*“ dierum, quotiescumque in mutua salutatione verba usurpaverint, „*Sia lodato Gesu e Maria*“ \*) „None verō SS. Dominus Noster Pius Papa IX. nonnullorum episcoporum precibus peramanter inclinatus, referentē me infrascripto Sacre Congregationis Indulgentiarum Cardinali Præfecto in audientia diei 26. Septembris 1864 ut magis magisque fideles utriusque Nominis Jesu et Mariæ salutares percipiant effectus, et illa quam saepissime in ore et corde retineant, eandem concessionem ad omnes et singulos Christi fideles extendit, ita ut qui se invicem salutando hac forma, in quocumque idiomate, utantur „*Sia lodato Gesu e Maria*“ vel responderint: „*Oggi e sempre*“ \*\*) aut similibus verbis, easdem plane Indulgentias, quæ in præfata Bulla memorantur, consequi possint et valeant. Quam gratiam voluit Sanctitas Sua perpetuo suffragari absque ulla Brevis expeditione.“

\*) i. e., „Laudetur Jesus et Maria..“ \*\*) „Hodie seu nunc et semper.“